

## 8. DENDROBIUM LATIFOLIUM. †

D. terrestre; foliis obovato-oblongis, acutis, basi angustatis, trinerviis, membranaceis; foliolis calycinis oblongo-lanceolatis; labello oblongo.

*Crescit in Andibus Pastoensibus, inter flumina Guaytara et Mayo juxta Meneses, Voisaco et pagum La Cruz, alt. 800—1000 hex. † Floret Octobri.*

RADIX bulbosa. FOLIA obovato-oblonga, acuta, basi angustata, subpetiolata, membranacea, trinervia, nervis subtus prominentibus, striata, plicata, glabra, pedalia et longiora, vix quatuor pollices lata. SCAPUS bipedalis, erectus, glaber, ruber, multiflorus. FLORES spicati, pedicellati, spathellati. SPATHELLÆ oblongo-lanceolatæ, acuminatæ, glabræ, semipollicares. CALYX flavo-roseus, subbilabiatus, patulus, glaber; foliola tria exteriora inæqualia; superius oblongo-lanceolatum, obtusum, basi angustatum, septem aut octo lineas longum; lateralia oblique oblonga, obtusa, approximata, basi cum ungue labelli conata, superiore breviora; duo interiora lateralia oblique oblonga, acuta, superiore breviora, basi ungui labelli adnata; labello ovato-oblongum, cucullatum, apice reflexum, basi unguiculatum, foliolis ceteris duplo brevius, apicem versus punctis quinque, aurantiacis pictum. OVARIUM glabrum. GYNOSTEMUM arcuatum, canaliculatum. ANTHERÆ terminalis structura haud videnda.